

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona na 200. sjednici, održanoj dana 15.01.2015. godine, d o n o s i

ZAKLJUČAK

I.

Daje se saglasnost Ivici Ćuriću, ministru Ministarstva za rad, socijalnu politiku i izbjeglice, da u ime Vlade Zeničko-dobojskog kantona pristupi potpisivanju Sporazuma o načinu plaćanja troškova privremenog smještaja korisnika u Prihvatilište za samohrane nezaposlene trudnice i samohrane nezaposlene majke sa djetetom do 12 mjeseci starosti sa područja Zeničko-dobojskog kantona.

II.

Zadužuje se Ministarstvo za rad, socijalnu politiku i izbjeglice Zeničko-dobojskog kantona da u skladu sa zakonom i podzakonskim aktima realizuje ovaj zaključak.

III.

Zaključak stupa na snagu danom donošenja.

Broj: 02-_____/15.
Datum, 15.01.2015. godine
Zenica

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za rad, socijalnu politiku i izbjeglice,
1x Ured Premijera,
1x Ministarstvo finansija,
1x a/a.

U skladu sa članom 84. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Zeničko-dobojskog kantona", broj: 13/07, 13/11) i prethodno utvrđenih propisanih uvjeta u JU „Dom-porodica” Zenica za uvođenje usluga organizovanja Prihvatišta za samohrane nezaposlene trudnice i samohrane nezaposlene majke sa djetetom do 12 mjeseci starosti sa područja Zeničko-dobojskog kantona, prema Rješenju ministra Ministarstva za rad, socijalnu politiku i izbjeglice Zeničko-dobojskog kantona, broj: 09-35-15895-2/14 od 18.12.2014. godine, u Zenici, dana,____.____. 2015.godine zaključuje se

SPORAZUM

o načinu plaćanja troškova privremenog smještaja korisnika u Prihvatište za samohrane nezaposlene trudnice i samohrane nezaposlene majke sa djetetom do 12 mjeseci starosti sa područja Zeničko-dobojskog kantona

između:

- (1) **Zeničko-dobojskog kantona - Ministarstva za rad, socijalnu politiku i izbjeglice** sa sjedištem u Zenici, u ulici Kučukovići broj 2, kojeg po ovlaštenju Vlade Zeničko-dobojskog kantona zastupa Ivica Ćurić, ministar (u daljem tekstu – Kanton), i
- (2) **Javne ustanove "Dom-porodica" Zenica**, sa sjedištem u Zenici, u ulici Crkvice br. 20C, (u daljem tekstu: Ustanova) koju zastupa direktor Branko Dilber.

Član 1.

Predmet ovoga Sporazuma je finansiranje privremenog smještaja u Prihvatište za samohrane nezaposlene trudnice i samohrane nezaposlene majke sa djetetom do 12 mjeseci starosti (u daljem tekstu: Prihvatište) kao proširenje usluga socijalnog karaktera u okviru Ustanove i uređivanje drugih međusobnih prava i obaveza strana potpisnica.

Član 2.

- (1) U skladu sa članom 84. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Zeničko-dobojskog kantona", broj: 13/07, 13/11), korisnici Prihvatišta su: samohrane nezaposlene trudnice i samohrane nezaposlene majke, ukoliko nemaju sredstava za izdržavanje ili kojima je, usljed neriješenog stambenog pitanja ili poremećenih porodičnih odnosa potreban privremeni smještaj, sa djecom do 12 mjeseci starosti sa područja Zeničko-dobojskog kantona.
- (2) U slučaju da su korisnici iz stava (1) ovog člana žrtve nasilja u porodici bit će upućeni u Sigurnu kuću „Medica“ Zenica u skladu sa Protokolom o međusobnoj saradnji u radu na prevenciji i zaštiti žrtava nasilja u porodici Zeničko-dobojskog kantona.

Član 3.

Privremeni smještaj korisnika iz člana 2. stav (1) ovog Sporazuma, bit će finansiran u iznosima obračunatim po danu boravka u Prihvatištu kako slijedi:

- | | |
|--|--------------------|
| - samohrana nezaposlena trudnica | 20,00 KM po danu |
| - samohrana nezaposlena majka sa djetetom starosti do 12 mjeseci | 30,00 KM po danu |
| - jednokratna pomoć intervenirajućeg karaktera za podršku majkama. | 100,00 KM po osobi |

Član 4.

- (1) Plaćanje cijene iz člana 3. Kanton će vršiti mjesečno, na osnovu ispostavljenih računa Ustanove, i to najdalje u roku od 15 dana od dana prijema računa.
- (2) Osnov za obračun usluga i ispostavljanje računa je rješenje o smještaju korisnika centara za socijalni rad/ službi za socijalnu zaštitu i potvrda o dolasku korisnika u stambenu jedinicu.

Član 5.

Ministarstvo za rad, socijalnu politiku i izbjeglice Zeničko-dobojskog kantona (u daljem tekstu: Ministarstvo) i Ustanova će izraditi i potpisati novi Ugovor o uslovima smještaja korisnika u JU „Dom porodica“ Zenica kojim će se regulisati i uslovi privremenog smještaja korisnika iz člana 2. stav (1) ovog Sporazuma.

Član 6.

Pokretanje postupka za smještaj korisnika u Prihvatište provodi se putem mjesno nadležnog Centra za socijalni rad/ Službe za socijalnu zaštitu uz saglasnost Ministarstva.

Član 7.

Sporazum stupa na snagu i primjenjuje se kada ga potpišu i ovjere ovlašteni predstavnici obje strane potpisnice.

Član 8.

Ovaj Sporazum je sačinjen u 2 (dva) istovjetna primjerka, od kojih svaka ugovorna strana zadržava po jedan.

Za Zeničko-dobojski kanton:
ministar, Ivica Ćurić

Za Ustanovu,
direktor, Branko Dilber

Broj protokola: _____

Broj protokola: _____

Zenica, _____ 2015.g.

Zenica, _____ 2015.g.